

493.671
175
:5

卷四

川瀆考

諸湖考

漕運考

河道考

臨河方略

治河方畧卷之四

翰林院編修河道總督兵部尚書追贈太子太保
工部尚書世襲拜他喇布勒哈番諡文襄靳 著
五世孫文鈞衡斯重刊

川瀆考

黃河

禹貢導河自積石不言河源荒遠在所畧
也考山海經漢書西域志唐史及元河源

記所論河源參差不同世傳山海經出於
伯益所作當洪水懷襄之時禹方八年三
過其門而不入益佐禹隨山烈焚何暇越
五萬里而至崑崙糜歲月于水害不經之
地張騫雖身遍諸國恂恍閱歷本非帛使
薛元鼎奉使吐番訪河源得之于閭磨黎
山然漢唐之時外國未盡臣服道未盡通
往者不無紆迴艱阻安能直抵其處而準

其流行之曲折道里之遠近乎惟元薄海
內外罔不臣服置郵乘傳如行國中至元
中命招討使都實佩金虎符往求河源訪
得之其言當屬可據第以非貢道民咨所
係錄其大槩不盡述下若自河東以迨河
陽弗敢畧也自滎澤以迨入海勿敢畧也
並加詳焉

吐番朶甘思西鄙有泉百餘泓名火墩腦兒譯

言星宿海也直中國西南四川馬湖蠻部三千餘里雲南麗江宣撫司西北一千五百餘里大概更北流以入中國其源不甚巨自東行合赤賓河亦里出河忽蘭河也里水河諸流始有黃河之名然水猶清人可涉也又東行北向轉而西緣崑崙之北又東北流至積石河州洮水自南來注之至蘭州正東行出寧夏鎮南東行卽東勝州自發源至漢地南北澗溪細流旁貫莫

知紀極朱思本曰河北流過豐州西受降城折正東流過中東二受降城凡七百餘里而正南過雲內州東勝州合黑河又南流折過保德州葭州興州麟州凡一千餘里

以上皆本河源記而稍畧之

河自過東勝州稍折而西南流入

河東河曲界陝西府谷

稍西南又正南流凡千餘里下龍門

山西河津縣與陝西

韓州縣

又南流汾水自太原靜樂東北來注之

又南渭水自鞏昌合涇水西來注之又南至朝

邑洛水自甘泉西北來注之又南抵華陰潼關

折而東流經閿鄉靈寶至陝州穿三門山

卽禹貢砥

柱山又東過新安洛陽孟津至鞏縣北洛水會灇

澗伊諸水西南來注之又東過鞏孟濟水自陽

城北來注之又東過成皋大邳山汜水南來注

之又東過滎陽絕蕩蕩渠

一名浚儀渠卽禹貢濫爲滎者是也

又

東至河陰武陟沁水自潞澤北來注之

以上猶禹貢故道也

又東行其陰爲滎澤鄭州中牟祥符陳留蘭陽

儀封諸邑其陽則爲原武陽武封邱三邑及祥
符蘭陽儀封北境入山東曹單等邑又稍東南
入歸德境過考城商邱入江南界經碭山豐縣
蕭縣徐州靈璧以北出於邳睢之間復正東流
過宿遷治南又過桃源治之北又東至清河南
數里淮水出清口西南來會之乃過山陽治北
從安東治南東北流至雲梯關入於海

黃河經數千里百川之會不可殫詳詳其最

大者曰汾曰渭曰洛曰濟曰沁

汾水

汾水出靜樂縣管涔山東南流過太原縣合晉水又西南過文水縣合文水又南過絳州折而西至滎澤縣入於河

渭水

渭水出渭源縣南谷山東流過烏鼠同穴山至寶雞納汧水又東至咸陽納澧鎬水又東過涇

陽屬涇汭東至朝邑會漆沮至華陰入于河

洛水

洛水出陝西商州之冢嶺山東流自熊耳又東

北至新安與澗水會

澗水出澗池

又東至偃師與漚

水會

漚水出穀亭北替亭

又東至洛陽會于伊

伊水出盧氏閭頰嶺

又東北至鞏縣同入于河

濟水

濟水出陽城縣王屋山初名沆水東西二源至

濟源縣合流始名爲濟東南流至河內溫縣當
鞏縣北入于河

濟水至王莽時下流已涸然今大小清河及
濟兗間諸泉實皆濟瀆脉絡蓋濟性勁疾伏
流地中間過山岡石根壅遏卽噴薄上溢而
爲泉非真洞也按黃子鴻曰以水經注元和
志寰宇記諸書考之濟水最南漯水在中河
水最北今者小清河所經自歷城以東如章

邱鄒平長山新城高苑博興樂安諸縣皆古
濟水所行而大清河所經自歷城以上至東
阿固皆濟水故道而自歷城東北如濟陽齊
東青城諸縣則皆古漯水所行蒲臺以北則
故河所經蓋宋時常行漯瀆及河徙則大清
河兼行河濟二瀆其小清河所行則濟水故
道也

沁水

沁水出沁源縣羊頭山世靡谷南流至陽城縣
與獲澤水合又南與丹水合又東過武陟又東
南至滎澤縣北入于河

淮水

淮水出南陽胎簪山自桐柏而東至光息境汝
水合淩水西北來注之又東至霍邱壽州潁水
合潯水之水西北來注之又東與淝水會又北
與濠水會又東歷盱眙泗州又東至清河境入

洪澤湖北出清口會黃河入于海

漕之患莫大於黃其次莫如淮曰汴曰汝皆淮之所受也故列淮而從之以汴汝

汴水

汴水出河南滎陽縣西三皇山

一統志出大周山疑卽三皇山

山上有二廣武城相去百餘步汴水自兩城間小澗中流出東經開封府城內合京索須鄭四水東南至中牟縣入黃河今不入河自朱仙鎮

入渦水同入于海

汝水

汝水出魯陽縣之大孟山黃柏谷東北流歷上蔡西平汝陽之西南入于淮

黃淮以北諸名川卽不與黃淮會而漕實賴之者其所係與黃淮並曰泗曰沂曰汶曰衛曰洸曰大清河曰小清河曰白河

泗水

泗水源出泗水縣陪尾山四泉並發故曰泗循

西南流過卞莊城合爲一西流至兗州府城東

轉南流經橫河與曲阜沂水合元導之以濟運

於兗州府東門外作金口閘遏令東入府城又

轉南流會洸河以入濟寧天井閘

初泗合沂南洸爲患隋薛

曹于二水交流處作石堰遏之令西流陂澤盡爲良田元修薛堰爲滾水石堤以引泗水入濟

寧金口閘之建始此明因之

金口閘有三洞夏秋水潦開閘

洩水南流會沂水由港里河入師家庄閘河冬

春水微閉閘過水入府城出濟寧

沂水

沂水源有二一出曲阜尼山西南流與泗水合
分爲二支一西流金口閘入天井一南流會泗
入師家庄河者也其一出沂水縣會蒙陰沂水
諸泉合流至邳州入淮者也明挑泇河邳州之
沂導由駱馬湖出董陳二溝入河至